

# Okutandika kw'Obusaasi bw'Omuntu

Nk'oku ruzaaro y'abantu omu nsi yaizire ereeyongyera, nikwe n'emitwarize yaabo yaagumire ereeyongyera kuba mibi. Ruhanga akarugaho yaasharamu kubahwerekyereza, ...



19

... yaagaitaho n'okuhwerekyereza enyamaishwa zooka n'enyonyi. Ruhanga akeefuza eki yaabaire ahangire omuntu. Kwonka hakaba hariho omushaija omwe owaashemeize Ruhanga ...



20

Omushaija ogwe niwe Noa. Noa, owaabaire arakomooka ahari Seezi, akaba ari omuntu ohikiriire, otaine kamogo. Akaba aragyenda na Ruhanga.



21

Kandi akegyesa na batabani beeye bashatu kutiina Ruhanga. Ruhanga nikwe akateekateeka kukozesa Noa omu muringo gutari gwa buriijo, gw'omutaano!



22



Okutandika kw'Obusaasi bw'Omuntu  
Omugane kuruga omu Kigambo kya Ruhanga, Baibuli

gurashangwa omuri

Okutandika 3-6

"Ebigambo byawe, byashuuruurwa, birareeta omushana." Zaaburi 119:130

Ekahandiikwa Edward Hughes  
Omuteezi w'Ebishushwani Byron Unger; Lazarus

Kikavunuurwa Manuel John Kamugisha Muranga  
Kikahindurwamu M. Maillot; Tammy S.

Omugane 2 ahari 60

**M1914.org**

**Bible for Children, PO Box 3, Winnipeg MB R3C 2G1 Canada**

Okwikirizibwa: Oraikirizibwa kuhanduukurura, kukora kope nari kuteera ekyapa omuri ogu mugane, kwonka toraikirizibwa kuguza.

Ruhanga aramanya ngu tukozire ebintu bibi, ebi areeta ekibi. Ekibonerezo ky'ekibi n'okufwa.

Ruhanga araturukunda munonga - nikyo yaayohereze Omwana we, Yesu, kufwera aha musharaba nk'ekibonerezo ky'ebibi byaitu. Kwonka Yesu akazooka, yaagaruka omu Iguru! Mbwenu hati Ruhanga arabaasa kusaasira ebibi byaitu. Waaba orenda kuruga omu bibi byawe, gambira Ruhanga oti: Ai Ruhanga, ndaikiriza ngu Yesu akanfwerwa, kandi hati ariho, ahuriire. Ndakushaba ngu oije omu magara gangye, onsaasire ebibi byangye, ngire amagara masya, reero ngume naiwe ebiro byona. Nkwasa mbeho ahabwawe, nk'omwana waawe. Amiina. Yohaana 3:16

Shoma Baibuli kandi ogambe na Ruhanga buri izooba.

Rukiga

**RUHANGA AKAKORA BYONA!**  
Omuntu w'okubanza ou Ruhanga yaakozire, Adamu, akatuura n'omukazi we Haawa omu Musiri Edeni.




1

Bakaba bashemereirwe munonga, baroorobera Ruhanga kandi bari gye ahabwokuba akaba ari hamwe nabo. Kwonka eizooba rimwe ...




2






Enjoka ekabuza Haawa eti, "Hari ga Ruhanga akabagira ngu mutarirya aha bijuma bya buri muti?" Haawa yaagigarukamu ati, "Turakirizibwa kurya aha bijuma bya buri muti, okwihaho gumwe. Twaguryaho ebijuma nanga tukagukwataho, turafwa."

3




Enjoka yaamugarukisamu omugayo, eti, "Aza timukoofwa!" "Ahoobwe muraba nka Ruhanga." Haawa nikwe kuhurira yaayenda ngu aroze aha bijuma by'ogwo muti, akaikiriza eki enjoka yaamugambira, akarya ahari ebyo bijuma.

4




Ahaanyima y'okugomera Ruhanga, Haawa akatuma na Adamu yaarya ahari ebyo bijuma. Kwonka Adamu akaba ashemereire kwanga, akagira ati, "Ingaaha! Tindaagomere Ekigambo kya Ruhanga."

5




Adamu na Haawa ku baasiisire, bombi baamanya ngu bajwaire busha. Nikwe kuronda amababi g'emitiini, bakagakoramu eby'okushweka ebicweka by'omumaisho by'emibiri yaabo, bakeeshereka Ruhanga omu kibira.

6




Omu mabeho g'omwebazo Ruhanga yaija omu Musiri. Akaba aramanya eki Adamu na Haawa baakora. Mpaho Adamu yaacwera Haawa orubanja, na Haawa yaarucwera enjoka.

7




Ruhanga yaagira ati, "Enjoka yaakyeenwa, kandi omukazi aryaguma aashaashe arazaara." "Kandi iwe Adamu, ahabwokuba osiisire, ensi yaakyeenwa kumeramu amahwa n'amatojo. Oryaguma orakoreereza, oratuutukara, kugira ngu okoobona eky'okuta omunda buri izooba."

8




Baasi Ruhanga yaiha Adamu na Haawa omuri ogwo Musiri murungi munonga, baayahukana nawe, Omuhi w'amagara, ahabw'okushiisha kwabo!

9




Ruhanga nikwe akakora rurara ekazire n'omuriro ey'okuzibira Adamu na Haawa kugaruka omu musiri, yaabakorera ekooti z'empu. Ezo mpu Ruhanga akaziha nkahe?

10



Ku haahingwireho obwire, Adamu na Haawa baazaara abaana. Omutabani waabo kandi omujigaijo, Kaini, akaba ari omuhingi. Mutabani waabo wa kabiri, Abeeli, akaba ari muriisa.

11



Eizooba rimwe Kaini akareetera Ruhanga emboga n'ekiconco, kwonka Abeeli 'we yaakora omu ntaama ze ezaabaire zirakirirayo kimwe oburungi, yaazireetera Ruhanga n'ekiconco. Ruhanga yaasiima ekiconco kya Abeeli.

12



Ku Ruhanga ataasiimire ekiconco kya Kaini, Kaini yaitwa ekiniga kingi munonga. Kwonka Ruhanga yaamugira ati, "Hoona ogizire ngu wookozire ekihikire tokoosiimirwe?"

13




Kaini akaguma aine ekiniga. Obunaku ku bwahingwireho bukye, yaahaagagira Abeeli bari omu iriisizo, yaamwita!

14



Ruhanga nikwe kubuza Kaini ati, "Murumuna waawe ari nkahe?" Kaini yaamubeiha ati, "Ku ntaramanya." Yaagumizamu ati, "Niinye murinzi wa murumuna wangye?" Ruhanga yaafubira Kaini, yaamwaka obwengye bwe bw'okuhinga, yaamuhinduramu ekizengyerezi.

15



Kaini yaaruga omu maisho ga Ruhanga, yaashwera muhara wa Adamu na Haawa, baagira amaka. Tikiratwaire omwanya muraingwa, baijukuru na baijukuruza ba Kaini bakaba baayijwize orurembo oru yaatandikire.

16



Ebyo bikyari aho, ab'eka ya Adamu na Haawa baaguma barakanya munonga. Omuri ebyo biro, abantu bakaba barahangaara munonga kukira obwahati.

17



Omutabani Seezi ku yaazairwe, Haawa yaagira ati, "Ruhanga yampa Seezi kuza omu mwanya gwa Abeeli." Seezi akaba ari omuntu oratiina Ruhanga, kandi akamara emyaka 912 omu nsi, yaazaara abaana baingi.

18